

忻縣古蹟名勝詩文錄

趙昌燮題



地750.16  
105.92



所歸古  
蹟名勝  
詩文錄

中雅圖十  
又雅圖十

忻縣古蹟名勝詩文錄序

向讀韓文公集其述楊少尹也既重先人之樹復注念童時釣  
游覺先民篤故之忱至今如揭不必如白蘇二公之於杭歐公  
之於滁耽其山水之佳亭榭之美也秀容之地自晉以來逮夫  
五代宋遼皆爲兵事重地石嶺之關也忻口之砦也倉皇戎馬  
呻吟輓車庸詎知有考古蹟張名勝詩文紀載一洗數百年前  
荒傲之風乎 芷莊陳君曾輯錄秀容詩文存以存鄉先哲遺  
著茲又綜古蹟之遺名勝之概既詳徵其故以補方志之疏復  
旁摭歌詩以博臥游之趣猶以畫圖之不盡可傳也而又各影  
其真俾覽者如身歷其境是殆願亭林昌平山水記山東考古  
錄之倫非第詡耽玩詩文且以重篤故惓惓有加無已然則增  
鄉人之敬起士夫之慕者余確信今不異昔也夫秀容自明及

清幸免兵爭久擾今更坦途旣闢行旅相望話往時險阨諸區  
及干戈所頓後生或將不知所謂徒見夫山嶺嵯峨河流瀾衍  
蓋習於今之易而忘夫昔之艱然則君之是輯也非直寄一己  
篤故且將使邑之後進良辰登眺油然重懷舊思古遐情遺山  
詩稱從圖畫見承平詎夷曩昔是抑君嘉惠來茲之殷余故敢  
爲臆測者乎詩文存之成君猥屬序茲更爲之或稍免隨俗酬  
應之斥也

中華民國二十五年仲夏月榆次常贊春撰於并垣

自序

余幼時聞長老談吾忻古蹟與諸名勝地恆樂聽之稍長就昔之所聞者於春秋佳日攜友偕遊登臨憑眺輒流連弗忍去間有足跡未至之區訪諸曾遊者以證昔之所聞及讀志乘與諸家著錄凡有題詠吾忻古蹟名勝之詩若文則又手錄之積歲既久裒然成帙藏之笥中以備披覽要亦無關實用之紀錄也雖然所謂古蹟者或因關津衝要爲古代戰守必爭之地故壘殘壁遺址略存迄今過客停驂風迴水咽猶若聞當年戰伐之聲而不勝憑弔者或因聞人高士雄文亮節不僅爲一時所欽重其棲遲游釣之所歷異世猶令人想望其丰采油然而興高山景行之感此古蹟之所由著也至若名勝必其地具一方山川之秀其建築亦復雄奇幽雅俾入其境者延佇久之或動濠濮

之想或考技術之精把酒臨風相看不厭恨不攜謝眺驚人之句舉美景奇觀一寫其真直欲搔首問天不忍遽歸者此名勝之所由彰也是古蹟可以考史地名勝足以快心胸爲講求地方文化者所樂於考究者也往歲嘗擇吾忻古蹟名勝之尤著者攝爲影片懸諸斗室以當臥遊今春復檢向所搜輯之各詩文釐訂次序每門略述概要並影片若干幀付印成冊以贈與余有同好者爰書數語誌其巔末云

中華民國二十五年春忻縣芷莊陳敬棠敘於并門之宜園

忻縣古蹟名勝詩文錄目錄

目錄

石嶺關

影片一幀

詩十二首

忻口

影片二幀

詩五首

文一篇

九龍岡

附白鶴觀

影片一幀

詩十四首

忻縣古蹟名勝詩文錄

目錄

文二篇

七賢祠

影片一幀

贊七首

詩七首

文三篇

讀書山福田寺

影片一幀

詩四十一首

文八篇

野史亭

影片二幀



詩二十五首

文三篇

元墓

影片一幀

詩十七首

文七篇

獨擔山

影片一幀

詩二首

文一篇

傅青主舊村

影片二幀

忻縣古蹟名勝詩文錄

目錄

二

詩一首

陀羅山

影片一幀

詩六首

文二篇

雲中山岱嶽殿

影片一幀

詩一首

文一篇

雙乳山

影片一幀

詩四首

文一篇

忻縣古蹟名勝詩文錄

目錄

三

忻縣古蹟名勝詩文錄目錄終

石 嶺 關



忻縣古蹟名勝詩文錄

忻縣陳敬棠芷莊編印

男鴻適道可校字

石嶺關

在縣城南四十五里山勢環抱東與讀書山毗連關巔有石城北面頗險峻南則平坦爲由忻南下之門戶在昔爲衝要之地按陽曲縣志石嶺并代雲朔要衝有險可守唐時設防尚有遺跡又云唐文明十一年默啜攻石嶺關武德三年突厥窺晉陽自石嶺入年命姜行本斷石嶺道八月突厥踰石嶺寇并州宋開寶二年契丹攻石嶺元至正十二年命孛羅帖木耳守石嶺之北察罕帖木耳守石嶺以南二十三年孛羅復引兵至石嶺一統志石嶺關明初築土城萬歷二十二二年改建石城並設巡司民國九年創修汽車路鑿洞通車已

忻縣古蹟名勝詩文錄

成坦途矣

石嶺關書所見

元好問

輶輶旂車轉石槽故關猶復戍弓刀連營突騎紅塵暗微服行人細路高已化蟲沙休自歎厭逢豺虎欲安逃青雲玉立三千丈元只東山意氣豪

己酉四月十七日度石嶺

前人

四海虛名值幾錢世間何限好林泉無情石嶺關頭路行去行來又十年

十月二十日雪中過石嶺關

前人

老天黯慘入平蕪朔吹崩奔萬竅呼雪意旋收行路景詩家新有人關圖地鑪圍坐慙田父絮帽衝寒怨僕夫故國煙花重回首蜀橙山麝記金壺

石嶺晴嵐

王治

嶂列南山翠層層石嶺橫塞鴻衝月度征旅逐霜行歲久危途  
易時平古戍輕遺山重故國到此眼偏明

石嶺道中雪霽看山時二月將半雪不甚堅一照即融空

潤鬱葱山致百出甚可玩

盧世淮

羣嶺盡新妝淡冶宛欲笑輕靄逗其懷往來若徵調日靜煙逾  
滋黛光發幽照友聲鳥歡喜潭影上遐嶠遊客惜峯巒頻頻觀  
其微

石嶺關

李之擘

石嶺關頭石路高車聲軋軋馬蕭蕭關河極目風煙淨雨洗晴  
嵐翠染袍

過石嶺爲司巡戲賦

張象蒲

丸泥漫向此關封拳石巉巖障矮峯十二樓台連斷草三千埤  
塊壯荒墟長年擁蓋沙隄柳徹夜排衙古寺鐘平世不須嚴鎖  
鑰北門開閉任從容

石嶺關遇雨

蘇於沛

關勢峻嶒石勢竅嶺頭南望雨如塵油衫竹傘馱驢背一幅倪  
黃晝裏人

石嶺關

王軒

征車聲歷碌曉度石嶺關關門出平地見關未見山五夜鷄聲  
催曉起關門誰何及行李時平不用丸泥封宿草蕭蕭暗殘壘  
出關亂石忽陂陀東來起伏隨濤波北連勾注西管汾雲嵐不  
動青嵯峨車輪入石深盈尺馬蹄嚴霜凍行跡蒼茫已盡肆虎  
川窳窳平通秀容磧日出煙銷聞牧唱駝背鈴聲動悽愴中原

回望空雲端却顧雄關已百丈

石嶺關道中

馮志沂

列岫隱藏霧朝曦明遠沙林煙依水重村舍逐山斜促駕喧晨  
鵲停鞭集暮鴉無勞怨關塞故里卽天涯

石嶺關

楊篤

羣山伏曠衍環趨拱而左中突起一峯孤立不與夥惟魯太少  
文千里常童裸天闕看雄州地軸錮嚴鎖半嶺乃嶄巖劃青雲  
裂朵我車當其衝顛掀作箕簸劫怒憾石轍散迸輪鐵火是時  
新雨後嵐翠馬前墮奇句紛投懷倉卒失束裹惟聞鞭鐸聲遙  
響答喬隨

石嶺關道中

王錫綸

并門回首路蒼蒼歷碌車聲下夕陽百里風煙迎客屐廿年生

事托征囊家山無恙衣隨萍動業何時鬢欲霜也有詩情慰牢  
落不堪身世總微茫

忻口



忻口故城



忻口

在縣城北五十五里東西兩山對峙中通一澗北口尤隘相距二百餘步與崞縣接壤滹沱河由東北流入沙河自西北而來兩河入口後合流爲滹沱河繞忻之東北經定襄五台東注河北省之正定口之東岸有巨石佔地甚高形似蝦蟆若滹沱水漲浸至此石則下游水勢更大故有水淹蝦蟆石河入正定府之諺按忻口爲忻北上門戶昔稱衝要明萬曆二十九年以石甃其堡並建石壩以防水患至清康熙辛丑又重修之此堡現已傾圮其半矣相傳有故城在堡之西爲漢高自平城還駐此築城以禦邊亦無確證其遺趾今亦不存查忻州志云後周圍太原契丹救漢出忻代遣符彥卿拒之以史彥超爲先鋒戰忻口彥超死之是忻口爲前代戰爭

之地倚山臨水築城據險以資守禦惜未能稽爲何代所築耳今則汽路旣通已成坦途引河鑿渠以興水利今昔之情形雖殊然形勢所關要亦忻縣北部之鎖鑰也

晚趨忻口

高叔嗣

雲峯聊極目立馬獨愁心豈直關山遠其如雨雪深笳聲先入夜邊氣迴生陰疇昔長征意蹉跎力不禁

忻口遇大風

魏象樞

慣習邊城路今朝的未經昏雲穿渡口烈石走山亭豈憚王程急終嫌夜火青簡書愁病裏贏得鬢星星

忻口

王錫綸

殘堞頽垣漢祖郵

忻口城相傳漢高時伐陳韓所築

蝦蟆石畔鎮寒流  
滹沱南漲挾幽

并氣塞上風傳勅勒秋  
估遠貨通雲朔鎮時清  
家給稻梁謀鋒

車不用馳烽火楊柳陰濃鎖戍樓

北行由麻會鎮抵忻口宿

常惺

石塊參差路不平離家百里話難行可憐車馬多憔悴更有長坡靚面迎

對面崇山聳碧空萬叢綠樹夕陽中荒村犬吠鷄鳴候斜月迎人漸上東

重修忻口石壩記

張鍾英

忻口之有石壩也自萬歷辛丑年始內衛城垣外弭水患民得聚廬而托處焉越二十年所漸成傾圮每洪波驟發灌射城中沈竈產蛙之衆汨汨乎將隨水鳧木梗以去矣會大司馬宮保白公持中丞節來撫吾晉北巡至此蒿目興歎曰釋茲不治非惟無壩也且將無城非惟無城也且將無民乃進藩臬守牧諸

大夫暨庶尹營將籌諮之衆議僉同罔不協於厥衷第慮上下告絀經費惟艱公慨然捐輸相與倡始於是藩臬守牧諸大夫暨庶尹營將咸割俸襄事而檄張牧以董其成併令以餘資葺平道路無使策蹇者病危途焉壩趾舊四十五丈今增擴六十七丈畚杵如雲登登四聞搏勞均力縮盈伸乏凡片石尺木隻夫銖灰皆公市平餼人人歡悅是役也肇於四月竣於秋之閏月前後高廣共計二千八百六丈所費金錢二千九百四十有奇厥壩言言厥路坦坦行者歌舞居者奠安適工甫竣秋潦暴漲山湧雲轟勢若滔天保以無恙民咸感激涕零曰微公先事築壩吾輩其魚乎壩不朽修壩之功德亦不朽乃伐石而令鍾英紀其事以昭示永永英縱惟魯無文實被覆幘其曷敢辭余嘗歎公之勳業大無外而細無間也繪常日月聽履星辰其大

者固已洽民隱而簡主知矣細至書院橋關堞垣渠路又莫不殫心畢慮者至忻口特邊鄙之一隅耳他人視此必在所緩公顧鯁鯁不置豈獨精神之無間漏哉夫亦謂忻口固三關綰轂區也有壩而後有城有城而後有民有民有城而後可坐領黃樞之柄遙宣紫塞之威則神機妙略不於斯更見一斑乎雖然昔之經始歲在辛丑今之重修歲又辛丑運會更新名世輩出天或者其將大庇吾晉而以餘波及忻余將於公卜之矣敬拜手舞忭而爲之記

九龍岡

